

Ilisimatusarfik pillugu Inatsisartut inatsisaat

Kapitali 1

Inatsisitigut inissisimanera suliassalu

§ 1. Universiteti Ilisimatusarfik pisortat suliffeqarfiutigaat namminersortoq.

§ 2. Ilisimatusarfip suliassarai ilisimatusarfimmi ilinniagassat iluanni ilisimatuutut misissuinissaq aamma ilisimatusarnermik tunngavilimmik ilinniartitsinermik neqeroornissaq nunani tamani annerpaamik angusassaq tikillugu. Ilisimatusarfip qulakkiissavaa ilisimatusarnerup, inerisaanerup aamma ilinniartitaanerup naligiillutik suleqatiginnissaat, kiisalu ilisimatusarnermi aamma ilinniartitaanermi ilinniagassanik ingerlatassaminik ingerlaavartumik inerisaanissaq aamma siaruarterinissaq ilisimasanillu ilisimatusarnermi suleriaatsnik paasianillu paarlaasseqatiginnissaq.

Imm. 2. Ilisimatusarfik ilisimatusarnermi kiffaanngissuseqarpoq. Ilisimatusarfip ilisimatuullu ataasiakkaat ilisimatusarnermut kiffaanngissuseqarnerat ilisimatusarnermilu ileqqorissaarnissaq Ilisimatusarfip attattuarniartussaavaa. Isumalluutit pisariaqartut pigineqarpata, Naalakkersuisut Ilisimatusarfik tusarniaavigeriarlugu immikkut ilisimatusagassanik, qulaajagassanik aamma ilinniartitsissutissanik suliassissinnaavaat.

Imm. 3. Ilisimatusarfip inuaqatigiiit avatangiiserineqartut suleqatigissavai aamma nunat akornanni suleqatigiinnermik inerisaaqataassaaq. Ilisimatusarfip ilisimatusarnikkut aamma ilinniartitaanikkut angusamigut Kalaallit Nunaanni nunanilu issittumiittuni siuariartorneq, atugarissaarneq ineriarornerlu siuarsaaqataaffigissavai. Ilisimatusarfik qitiusumik aamma kultureqarfittut suliffeqarfiunermigut ilisimasatigut piginnaasatigullu inuaqatiginnut paarlaasseqatiginnittassaaq aamma sulisuni inuaqatiginni oqallinnermi peqataaqqullugit kajumissaartassallugit.

Imm. 4. Ilisimatusarfip suliassaqrfinni attuumassuteqartuni ilisimasat nutaanerpaat Kalaallit Nunaanni ilinniakkanit tamanit pissarsiarineqarsinnaanerat qulakkeerinneqataaffigissavaa.

Kapitali 2

Aqutsineq

Siulersuisut

§ 3. Siulersuisut tassaapput Ilisimatusarfimmi qullersaallutik oqartussaasut. Ilisimatusarfip ilisimatusarnermi aamma ilinniartitaanermi soqtigisai siulersuisut isumagissavaat aamma Ilisimatusarfip aaqqissuussaaneranut ungasinnerusumullu isigaluni suliaanut ineriarorneranullu najoqqtassiussallutik.

Imm. 2. Siulersuisut Ilisimatusarfiup ingerlatsinera pillugu Naalakkersuisunut akisussaapput, tassungalu ilaassaaq aningaasaqarnikkut ingerlatsinera.

§ 4. Siulersuisut rektorip inassuteqareerneratigut missingersuutit akuersissutigisassavaat, tamatumunnga ilanngullugit aningaasat agguataarnissaat aamma atorneqarnissaannut tunngavissat.

Imm. 2. Siulersuisut naatsorsuutit atsiortassavaat.

§ 5. Siulersuisut Ilisimatusarfiup malittarisassai suliariressavaat. Malittarisassani tulliuttuni maleruagassat erseqqinnerusut aalajangersarneqassapput:

- 1) Ilisimatusarfiup naleqartitatut tunngavii,
- 2) Ilisimatusarfiup oqaatsit pillugit politikkia,
- 3) siulersuisut sulinerat pillugu ammasuuneq,
- 4) sulisunik aqutsisunik atorfinititsineq,
- 5) siulersuisut iluanni ilaasortanik qinersineq,
- 6) siulersuisut suliaat,
- 7) ilinniagartuut siunnersuisoqatigiivinut aamma instituttit siunnersuisoqatigiivinut ilaasortanik qinersineq kiisalu
- 8) ilinniagartuut siunnersuisoqatigiivisa aamma instituttit siunnersuisoqatigiivisa suliaat.

Imm. 2. Malittarisassat kingusinnerusukkullu allannguutit Naalakkersuisunit akuerineqassapput.

§ 6. Siulersuisut Ilisimatusarfiup rektorianik atorfinititsisarput soraarsitsisarlutillu.

Imm. 2. Siulersuisut prorektorimik aamma universitetsdirektørifik rektorip inassuteqareerneratigut atorfinititsisarput.

Imm. 3. Siulersuisut Ilisimatusarfimmik atorfilittanut allanut imaluunniit ilinniartunut tunngasuni sulanut ataasiakkaanut akulerussinnaatitaanngillat.

§ 7. Naalakkersuisut ineriertortitsinissaq pillugu siulersuisunut isumaqatigiissuteqassapput.

Imm. 2. Ineriertortitsinissaq pillugu isumaqatigiissutip imarisassai pillugit maleruagassanik Naalakkersuisut aalajangersaasinnaapput.

§ 8. Siulersuisut 11-nik ilaasortaqrput, imatut inuttalersugaallutik:

- 1) Avataanit ilaasortat 6.
- 2) Ilaasortat marluk, Ilisimatusarfiup ilisimatuuinut aamma ilinniartitsisuinut sinniisuusut, taakkununnga ilanngullugit ph.d.-mik ilinniartut.
- 3) Ilaasortaq ataaseq allaffimmi illumilu atorfeqvissut aallartitarissavaat.
- 4) Ilaasortat marluk ilinniartut aallartitarissavaat.

Imm. 2. Siulersuisut inuttalersugaanerat Ilisimatusarfiup ataatsimoortumik suliassaanik takutitsisuussaaq. Siulersuisunut ilaasortat ataatsimoortutik Kalaallit Nunaanni nunarsuarmilu, ilanngullugu issittumi pissutsinik ilisimasaqarnermikkut, aqutsinermik, ilisimatusarnermik kiisalu ilinniartitaanermik, kiisalu ilisimasanik paasisitsinermik paarlaoqatigiinnermillu misilittagaqrnermikkut paasisimasaqarnermikkullu Ilisimatusarfiup ineriertorneranik siuarsaaqataassapput.

Imm. 3. Ilaasortat avataaneersut Naalakkersuisut toqqartassavaat. Naalakkersuisut Ilisimatusarfimmit ilaasortassanik pituttuisuunngitsumik inassuteqaqqusisinnaapput. Naalakkersuisut aamma peqataasunit attuumassuteqartunit allaniit pituttuisuunngitsumik inassuteqaqqusisinnaapput.

Imm. 4. Ilaasortat toqqarneqartassapput inuttut piginnaasaqarnerat tunngavigalugu. Toqqaanermi pingaartinneqartassapput suliamut inuttullu piginnaasat aamma suliffinnik kiisalu ilisimatusarnikkut ilinniartitaanikkullu avatangiiserisanik inerisaanermik misilitakkat, ajornanngippat nunarsuarmut tamarmut sammisut. Ilaasortat avataaneersut aqutsinermik, aaqqissuuussaanermik aningaasaqarnermillu misilittagaqassapput, ilanngullugu missingersuutinik naatsorsuutinillu nalilersuisinnaassallutik.

Imm. 5. Taamaallaat atorfillaat piffissaq tamaat ukiup affaata nalinganik qaangerluguluunniit suliaqartartut piffissarlu tamaat ilinniartut qinigaasinnaatitaapput qinersisinnaallutillu.

Imm. 6. Imm. 1, nr. 2 aamma 3-mi taaneqartut aallartitat sulisut sinnisuinut malittarisassat malillugit illersorneqassapput.

Imm. 7. Siulersuisut siulittaasussaminnik ilaasortat avataaneersut akornannit qinersissapput.

Imm. 8. Taasinerit amerlaqatigiitsillugit siulittaasup taasinera aalajangiisussaaq.

§ 9. Siulersuisut piffissami ukiunik sisamanik sivisussusilimmi iveritaassapput, atuuffissaq siulleq 1. marts 2020-miit 29. februar 2024-mut ingerlassaaq, taamaattoq tak. imm. 3.

Imm. 2. Ilaasortat avataaneersut ilaasortallu suliffimmeersut ataasiarlutik toqqagaaqqissinnaapput qinigaaqqissinnaallutillu, taamaattoq tak. imm. 3.

Imm. 3. Ilaasortat § 8, imm. 1, nr. 4-mi taaneqartut, piffissami ukiunik marlunnik sivisussusilimmi ilaasortaassapput, ataasiarlutillu qinigaaqqissinnaallutik, pineqartut ukiut ilinniarfigisassatut piffissaliussaasut marluk sinnerlugilluunniit suli amigaatigippatigit.

Imm. 4. Ilaasortaq ataaseq ilaasortalluunniit amerlanerit piffissap atuuffimmik ingerlanerani tunuassappata, ilaasortanik nutaanik toqqaasoqassaaq, siulersuisut qaqugukkulluunniit 11-nik ilaasortaqartuaqqullugit.

§ 10. Naalakkersuisut siulersuisut peqqusinnaavaat pissutsit inatsisinik unioqqutitsisut iluarseeqqullugit.

Imm. 2. Naalakkersuisut siulersuisut tunuaqqusinnaavaat, siulersuisut inatsisinik unioqqutitsinernik iluarseeqqusinerit maleruanngippatigit, taamaalillunilu siulersuisunik nutaanik iveritsisoqassalluni. Siulersuisut suliassaat, taakkualuunniit ilaat, siulersuisuugallartunit Naalakkersuisunit toqqarneqartunit piffissap ilaa isumagineqarsinnaapput.

Imm. 3. Siulersuisunut ilaasortaq siulersuisut akisussaaffiannik sakkortuumik sumiginnaasimasoq, imaluunniit siulersuisuni sulinissamut imminut naleqqukkunnaartissimasoq Naalakkersuisut tunuartissinnaavaat.

§ 11. Siulersuisuni ilaasortat avataaneersut akissarsiaqartinnissaat pillugu Naalakkersuisut maleruagassanik aalajangersaassapput.

Rektoreqarfik

§ 12. Ilisimatusarfip ulluinnarni aqunneqarnera rektorimit isumagineqassaaq siulersuisut sinaakkusiussaat naapertorlugit. Ilisimatusarfip aqutsisuisa allat rektorip tunaartarisassaliaa

piginnaatitsineralu naapertorlugit suliassatik isumagissavaat.

Imm. 2. Rektori rektorip tullersortaaniq taperserneqassaaq, taannalu rektorimut paarlattaasassaaq. Rektori aamma rektorip tullersortaa tassaapput Ilisimatusarfiup rektoreqarfia.

Imm. 3. Rektori aamma rektorip tullersortaa ph.d.-mik ilinniarsimasuussapput, tak. § 34, aamma Kalaallit Nunaanni pissutsnik ilisimasaqassapput ilinniartitaanermullu pissutsnik paasisimasaqassallutik. Aammattaaq rektori ilisimatusarnermik ilinniartitaanermillu sammisaqarfinnik aqtsinermik inerisaanermillu misilittagaqassaaq, universitetillu suliaannik inuiaqtigiiinnilu avatangiiserisaminnik suleqateqarnerannik paasisimasaqassalluni.

§ 13. Rektori Ilisimatusarfiup sinniiseraa suliassanilu tamani aalajangiisuusassaaq piginnaatitaaffik siulersuisunut, ilinniagartut siunnersusoqatigiivinut, instituttimi aqutsisunut imaluunniit instituttip siunnersusoqatigiivinut inissinneqarsimanngikkaangat.

Imm. 2. Rektoriq instituttini aqutsisut, atorfinitsittassavai soraarsittassallugillu.

Imm. 3. Rektori aningaasartuutinut missingersuutit naatsorsuutillu siulersuisunut akuerisassangortillugit innersuuteqartassaaq.

Imm. 4. Avataaneersunik suleqateqarnissamut isumaqtigiiissutit, Ilisimatusarfimmik pisussaaffiliisut tamaasa, rektorip akuersissutigisassavai.

Imm. 5. Ilinniagartut siunnersusoqatigiivisa suliassartik annertuumik paarinerluppassuk, rektorip siunnersusoqatigiit atorunnaarsissinnaavai suliassaallu nammineq tigullugit.

§ 14. Rektoriq ilinniarnermi pissuserissaarnissamillu malittarisassat aalajangersassavai, taamaattoq tak.
imm. 3. Rektoriq ilinniartut ilinniarnermi pissuserissaarnissamillu malittarisassanik ilisimatissavai. Rektoriq ilinniarnermi pissuserissaarnissamillu malittarisassat Naalakkersuisunut ilisimatitsissutitut naasiutissavai.

Imm. 2. Rektoriq ilinniartunut ilinniarnermi pissuserissaarnissamillu malittarisassanik maleduaanngitsunut pineqaatissiinissat aalajangiiffisassavai. Rektoriq ilinniartut arlaleriarlutik sakkortuumilluunniit ilinniarnermi pissuserissaarnissamillu malittarisassanik unoqqutitsisut anisissinnaavai.

Imm. 3. Naalakkersuisut ilinniarnermi pissuserissaarnissamillu malittarisassat pillugit malittarisassanik erseqqinnerusunik aalajangersaassapput, tamatumunnga ilangullugit pinngitsoorani takkuttussaaneq aamma ilinniartunut ilinniarnermi pissuserissaarnissamilu malittarisassanik maleduaanngitsunut pineqaatissiarnissat pillugit malittarisassat.

Kapitali 3

Ilinniagarttuut siunnersusoqatigiivi

§ 15. Ilisimatusarfiup ilinniagarttuut siunnersusoqatigiivi pilersissavai, aqutsisut, sulisut ilinniartullu aalajangeeqataanissaat ilinniagartuujunermilu pissutsit pillugit akuutinneqarnissaat qulakkeerniarlugu.

Imm. 2. Ilinniagarttuut siunnersusoqatigiivi tulliuttunik suliassaqarput:

- 1) aningaasaliissutit agguataarnerat pillugu rektorimut oqaaseqartarlutik,
- 2) ilisimatusarnermut ilinniartitaanermillu tunngasut pingaarutilit pillugit rektorimut oqaaseqartarlutik,
- 3) ilisimasanik paarlaasseqatigiittarnermi pilersaarutit pillugit rektorimut oqaaseqartarlutik,

- 4) ilinniakkanut aaqqissuussinernut misiligummillu aaqqissuussinernut siunnersuutit pillugit instituttini siunnersuisoqatigiit inassuteqareernerisigut rektorimut inassuteqaateqartarlutik,
- 5) ilinniagassanut paasisimasalinnik ataatsimiititaliussapput atorfhit ilisimatusarnermik ingerlatsiffiusut inuttalernissaannut tunngatillugu ilisimatusarnermi sulianik naliliisussanik tamassuminngalu ph.d.-gradimik doktor-gradimillu tunniussinissaq pillugu naliliisartussanik aamma
- 6) ph.d.-gradinik doktorgradinillu tunniussinarneq.

Imm. 3. Ilinniagarttuut siunnersuisoqatigiivi ilisimatusaatinut tunngasunut tamanut, Ilisimatusarfiup aaqqissuussaaneranut suliaanullu pingaaruteqartunut oqaaseqaateqarsinnaapput aamma ilisimatusaatinut tunngasut rektorimit saqqummiunneqartut oqaluuserissallugit pisussaaffigaat.

Imm. 4. Naalakkersuisut doktoringorniarluni ilisimatuutut suliat pillugit malittarisassanik aalajangersaassapput.

§ 16. Pissutsit § 15, imm. 2, nr. 5-imi aamma 6-imi taaneqartut, kiisalu pissutsit ilisimatusarnerinnarmut tunngasut suliarineqartillugit, ilinniagarttuut siunnersuisoqatigiivini ilisimatuut kisimik taasisinnaatitaapput.

§ 17. Ilinniagarttuut siunnersuisoqatigiivi imatut inuttalersugaassapput:

- 1) Rektori siulittaasuuusussaq.
 - 2) Prorekitori.
 - 3) Ilaasortat marluk instituttini aqtsisunut sinniisut.
 - 4) Ilaasortat pingasut Ilisimatusarfimmil ilisimatuut aamma ilinniartitsisut aallartitarissavaat, ph.d.-mik ilinniartut atorfeqartitat ilanngullugit. Minnerpaamik ilaasortat 2 ilisimatusarnermik tunuliaqutaqassapput.
 - 5) Ilaasortat marluk ilinniartut sinniiserisaat.
 - 6) Ilaasortaq ataaseq allaffimmi illumilu atorfeqavissut aallartitarissavaat alaatsinaatsutut. Alaatsinaatsutut inissismanerup kinguneraa pineqartut taasisinnaatitaannginnerat.
- Imm. 2. Taamaallaat atorfillit piffissaq tamaat ukiup affaata nalinganik qaangerluguluunniit suliaqartartut piffissarlu tamaat ilinniartut qinigaasinnaatitaapput qinersisinnaallutillu.*
- Imm. 3. Ilinniagarttuut siunnersuisoqatigiivi siulittaasumik ilaasortat akornanneersumik qinersissapput.*

§ 18. Ilinniagarttuut siunnersuisoqatigiivi ukiuni sisamani atuuttumik invertitaasassapput, siullermik piffissamut 1. november 2019-imiit 31. oktober 2023-mut atuuttumik, taamaattoq tak. imm. 3.

Imm. 2. Ilaasortat § 17, imm. 1, nr. 4-imi aamma nr. 6-imi taaneqartut ataasiarlutik qinigaaqqissinnaapput.

Imm. 3. Ilaasortat § 17, imm. 1, nr. 5-imi taaneqartut ukiunut marlunnut atuuttumik qinigaassapput ataasiarlutillu qinigaaqqissinnaallutik, pineqartut ukiut ilinniarfigisassatut piffissaliussaasut marluk sinnerlugilluunniit suli amigaatigippatigit.

Kapitali 4

Instituttit, immikkoortortat aamma instituttit siunnersuisoqatigiivi

Instituttit

§ 19. Ilisimatusarfimmi ilisimatusarnerit aamma ilisimatusarneq tunngavigalugu ilinniarnerit instituttini ingerlanneqartassapput. Instituttit arlaannaataluunniit ilisimatusarneq ilinniakkamut tunngaviusoq ingerlattingippagu, pineqartup iluani ilisimatusarneq ilinniakkallu aaqqissugaanera pillugit universitetimik allamik ilisimatusarfimmilluunniit isumaqtigiissuteqartoqassaaq.

Imm. 2. Ilinniagaqarfuit imarisamikkut ilisimatusarnermikkullu ataqtigiissuteqartut instituttinut ilaassapput.

§ 20. Institutti instituttimi aqutsisumit aqunneqassaaq.

Imm. 2. Instituttimi aqutsisoq aqutsisuujitaluni immikkoortortami pisortatut suliaqarsinnaavoq, tak. § 23, imm. 1.

Imm. 3. Instituttimi aqutsisoq instituttimi ilinniagaqarfuit iluanni ataatsimi ph.d.-mik ilinniagaqarsimassaaq, taamaattorli tak. imm. 4 aamma § 34, imm. 1, ilinniagaqarfimmilu iluani ilinniartitsinermik misilittagaqartuussalluni.

Imm. 4. Ph.d.-mik ilinniagaqarsimasumik tulluartumik qinnuteqartoqarsimanngippat kandidatitut ilinniagaqarsimasoq piukkunnaateqartoq atorfinitssinnejarsinnaavoq.

Imm. 5. Instituttimi aqutsisup immikkoortortani aqutsisut aamma instituttimi atorfekartut allat atorfinitssillugillu soraarsittassavai, taamaattoq tak. imm. 2.

§ 21. Instituttimi aqutsisoq immikkoortortanilu aqutsisut instituttimi aqutsisoqarfiupput.

Imm. 2. Instituttimi aqutsisoqarfiup najoqqutassat rektorimit akuerineqartut malillugit instituttip ulluinnarni aqunneqarnera isumagissavaa, tamatumunnga ilanngullugit pilersaarusrioneq aamma suliassanik agguassineq.

Imm. 3. Instituttimi aqutsisoqarfiup suleqataasut ilisimatusarnermi periutsinik kiffaanngissuseqarnerat mianeralugu suliassanik aalajangersimasunik isumaginnittussanngorlugit peqqusinnaavai. Ilisimatuutut sulisut ilisimatusarnissamut kiffaanngissuseqarput, piffissamilu suliassanik pisussaaffiligaanngisaminni Ilisimatusarfup ilisimatusarnissamut periusissaanut sinaakkusiussap iluani kiffaanngissuseqarlutik ilisimatusarlutik. Ilisimatusarfup ilisimatusarnermut periusissaanut sinaakkusiussaniippoq universitetip suliaqarfia tamarmiusoq. Sulisut ilisimatuut piffissami sivisunerusumi piffissap suliffigisassamik ilaani annertuallaami suliassanik pisussaaffilerneqassanngillat, taamaappat ilisimatusarnissamut piviusumik kiffaanngissusiagaassagamik.

Immikkoortortat

§ 22. Institutti arlalinnik immikkoortortaqarsinnaavoq.

Imm. 2. Immikkoortortaq ataaseq ilinniarnermik ilisimatusarnermik tunngavilimmik ataatsimik arlalinnilluunniit aamma ilisimatusarnermik ingerlatitseqqinnermilluunniit suliaqarfiusunik ataatsimik arlalinnilluunniit katitigaasinnaavoq.

§ 23. Immikkoortortami aqutsisup immikkoortortap ulluinnarni aqunneqarnera isumagissavaa.

Imm. 2. Immikkoortortami aqutsisoq suliassaqrifimmi immikkoortortap suliassaqrfigisaani ph.d.-mik ilinniagaqarsimasuussaaq, taamaattoq tak. imm. 3 aamma § 34, imm. 1, ilinniagaqarfimmilu iluani ilinniartitsinermik misilittagaqartuussalluni.

Imm. 3. Ph.d.-mik ilinniagaqarsimasumik tulluartumik qinnuteqartoqarsimannngippat kandidatitut ilinniagaqarsimasoq piukkunnaateqartoq atorfinitssinneqarsinnaavoq.

Imm. 4. Immikkoortortami aqutsisup suliassai tassaapput instituttimi aqutsisunut instituttimilu siunnersuisoqatigiinnut innersuussinissaq aamma siunnersuuteqarnissaq, ilanngullugit:

- 1) ilinniagassanik aaqqissuussinernut siunnersuusiornerit,
- 2) ilinniartitsinermut soraarummeernernullu pilersaarusrusiornerit,
- 3) ilisimatusarnermut ingerlatitseqqinnermullu pilersaarusrusiornerit, kiisalu
- 4) immikkoortortap aaqqissugaaneranut siunnersuusiorneq, ilanngullugu ilinniarernut aqutsisunik ilinniartunullu siunnersortinik toqqaaneq.

Imm. 5. Immikkoortortami aqutsisup suliassanut imm. 3, nr. 1-im i taaneqartunut atatillugu atuisut ilinniagaqarfimmik aamma atorfeqarfimmik ilinniakkatigut atorfinitffusinnaasunik misilittagaqartut paasisimasaqartullu akuutittassavai.

Imm. 6. Immikkoortortami aqutsisup suliassanut imm. 3, nr. 1-im aamma 2-mi taaneqartunut atatillugu ilinniagaqartut akuutittassavai.

Imm. 7. Immikkoortortami aqutsisut ilinniagaqartussanik tigusineq akuersissutigissavaa.

Imm. 8. Immikkoortortami aqutsisoq instituttip aqutsisuinut instituttillu siunnersuisoqatigiivinut immikkoortortap suliaanut pingaaruteqartunut aamma atorfinitssinerni soraarsitsinernilu inassuteqartassaaq aammalul suliani tamani immikkoortortaqrifmmut pingaaruteqartuni tusarniarneqartassalluni.

Instituttit siunnersuisoqatigiivi

§ 24. Instituttini ataasiakkaani tamani instituttimi siunnersuisoqatigiit pilersinneqassapput, ilinniagaqartut ilisimatuutullu sulisut ilinniartitaanernut ilinniartitsinermullu aalajangeeqataasinnaanerat akuutinneqarnissaallu qulakteerniarlugit.

Imm. 2. Instituttimi siunnersuisoqatigiit suliassaraat ilinniartitaanerit aaqqissugaanerisa, ingerlanneqarnissaasa ineriertortinneqarnissaasalu qulakteernissaat, ilanngullugit ilinniartitaanerit ilinniartitsinerillu pitsaassutsikkut qulakteernissaat pitsaassutsikkullu ineriertortinnissaat kiisalu ilinniartitaanernik ilinniartitsinermillu nalilersuinerit malitseqartinneqarnerat nakkutigissallugu.

Imm. 3. Instituttip siunnersuisoqatigiivisa najoqqutassat nalinginnaasut malillugit aamma immikkoortortani aqutsisut inassuteqareernerisigut tulliuttut akuersissutigisassavaat:

- 1) angusanik nuussinerit aamma
- 2) ilinniagartuutut taaguuteqalersitsisinnaaneq ph.d.-gradi doktorgradilu kisiisa pinnagit, tak. § 15, imm. 2, nr. 6.

Imm. 4. Instituttimi siunnersuisoqatigiit ilinniagartuut siunnersuisoqatigiivinut tulliuttut pillugit inassuteqartassapput:

- 1) instituttimi ilisimatusarnermut aamma ilinniakkanut ilisimatusarnermik tunngaveqartunut najoqqutassat nalinginnaasut,
- 2) instituttimi ilinniagassanik aaqqissuussininerit,
- 3) ilinniakkanik misiligummik aaqqissuussininerit,
- 4) ilinniakkanik ilisimasalinnik ataatsimiitaliamik pilersitsineq inuttalersuinerlu, ilisimatuutut atorfitt inuttalernissaat ph.d.-gradimik doktorgradimillu angusaqarnissamut ilisimatuussutsikkut sulianik

nalilersuisarnissaq siunertalarugu,

- 5) instituttip missingersuutinut siunnersuutai aamma
- 6) immikkoortortanut aaqqissugaaneq taakkualu akisussaaffeqarfii.

Imm. 5. Instituttimi siunnersuisoqatigiit suliani tamani instituttip aaqqissugaaneranut suliaanullu pingaaruteqartuni oqaaseqaateqarsinnaatitaapput, pissutsillu tamaasa rektorip aamma instituttit aqutsisuisa instituttimi siunnersuisoqatigiinnut saqqummiussaasa oqaluuserinissaat pisussaaffigalugu.

Imm. 6. Pissutsit taamaallaat ilisimatusarnermut tunngasut aalajangiivigineqassatillugit, taamaallaat ilaasortat ilisimatuujusut taasisinnaatitaapput.

§ 25. Instituttimi siunnersuisoqatigiit imatut inuttalersorneqassapput:

- 1) Instituttimi aqutsisoq, instituttimi siunnersuisoqatigiinnut siulittaasusoq.
- 2) Instituttimi immikkoortortani aqutsisut.
- 3) Ilaasortat pingasut, instituttimi ilisimatuuilinniartitsisullu sinniiserisaat, ph.d.-mik ilinniagaqartut atorfeqartitat ilanngullugit. Ilaasortat ikinnerpaamik marluk ilisimatusarnermik tunuliaqutaqassapput.
- 4) Ilasortaq ataaseq, teknikkimik allaffisornermillu atorfeqvassisut sinniiserisaat.
- 5) Instituttimi piffissaq tamaat ilinniakkanit ataasiakkaanit tamanit ilinniartoq ataaseq, taamaattoq ilinniartut ikinnerpaamik marluk.

Imm. 2. Taamaallaat atorfilit piffissaq tamaat ukiup affaata nalinganik qaangerluguluunniit suliaqartartut piffissarlu tamaat ilinniartut qinigaasinnaatitaapput qinersisinnaallutillu.

§ 26. Instituttini siunnersuisoqatigiit piffissami ukiunik sisamanik sivisussusilimmi invertinneqarsimasassapput, siullermik piffissamut 1. marts 2020-miit 29. februar 2024-mut, taamaattoq tak. imm. 3.

Imm. 2. Ilaasortat § 25, imm. 1, nr. 3-mi aamma 4-mi taaneqartut ataasiarlutik qinigaaqqissinnaapput.

Imm. 3. Ilaasortat § 25, imm. 1, nr. 5-im i taaneqartut ukiunut marlunnut qinigaassapput ataasiarlutillu qinigaaqqissinnaallutik, pineqartut ukiut ilinniarfigisassatut piffissaliussaasut marluk sinnerlugilluunniit suli amigaatigippatigit.

Kapitali 5

Aningaasaqarneq aamma allaffisorneq

Aningaasaqarneq

§ 27. Suliassanut inatsisitigoortunut isumaqatigiissutitigullu aalajangigaasunut Ilisimatusarfimmumt ukiumoortumik aningaasaliissutit aningaasanut inatsimmi aalajangersarneqartarpot.

Imm. 2. Ilisimatusarfimmumt aningaasaliissutit ilai annikitsut Ilisimatusarfip isumasioreerneratigut taxamiiterit malillugit tapiissutit tunniussaasinnaapput imaluunniit tunngavinnik aalajangersimasunik nalilerneqarsinnaasunik, ineriartortitsinissamut isumaqatigiissummi aalajangersagaasunik tunngaveqartitaasinnaallutik, tak. § 7, imm. 1.

Imm. 3. Ilisimatusarfik nunatta karsianiiinngitsoq allanit kingornussisinnaavoq, tunissutisisinnaalluni tapiissutisisinnaallunilu.

Imm. 4. Ilisimatusarfik isertitanit matussuserneqartunik suliaqarsinnaavoq tapiissutinillu aningaasalersugaasunik ingerlataqarsinnaalluni.

Imm. 5. Ilisimatusarfiup tapiissutit isertitallu allat kiffaanngissuseqarluni atorsinnaavai. Ilisimatusarfiup missingersuutini aallaaviusut malittussaavai, suliassallu taakkunani takuneqarsinnaasut isumagissallugit.

§ 28. Ilisimatusarfiup Kalaallit Nunaanni Namminersorlutik Oqartussat missingersuutit, naatsorsuuserineq naatsorsuutinillu saqqummiineq pilligit malittarisassai qaqugukkulluunniit atuuttut malissavai.

Imm. 2. Aningaasanut inatsisikkut aningaasaliissutit atorneqarnerat naatsorsuutini immikkut naatsorsuusiorneqassaaq.

Imm. 3. Ukiuumortumik naatsorsuutit Kalaallit Nunaanni Namminersorlutik Oqartussat kukkunersiuisunit kukkunersiorneqassapput.

Imm. 4. Ukiuumortumik naatsorsuutit siulersuisunit akuerineqarsimasut, kukkunersiusut oqaaseqaataat taakkununnga attuumassuteqartut ilanngulligit siulersuisut Naalakkersuisunut akuerisassanngorlugit saqqummiutissavaat. Naalakkersuisut piffissaliussaata qaangiutinnginnerani saqqummiunneqassapput.

Imm. 5. Siulersuisut naatsorsuutinik Naalakkersuisunut tunniussinerminnut atatillugu naatsorsuutit tamanut saqqummiutissavaat.

§ 29. Atorfinititsinerni atugassarititaasut pissutsillu sinneri, atorfefqarnerup nalaani pissutsit soraarsitsinerillu eqqarsaatigalugit, aalajangersakkanik Kalaallit Nunaanni Namminersorlutik Oqartussani atorfifilinnut atuuttunik malinninnissamut Ilisimatusarfik pisussaaffeqarpoq.

§ 30. Ilinniartut ilinniartutut anguniakkaminnik ingerlataannut Ilisimatusarfik aningaasartuutinik akiliussisassaaq atortussanillu atugassiisassalluni.

Imm. 2. Ilinniartut ilinniartutut anguniakkaminnik ingerlataannut allanut Ilisimatusarfik aningaasartuutinik akiliussisinnaavoq atortussanillu atugassiisinnaalluni.

Allaffisorneq

§ 31. Ilisimatusarfiup allaffeqarfia universitetip pisortaanit aqunneqassaaq rektorip ataani inissisimasumit.

Imm. 2. Ilimmarfiup ingerlannera allaffisorneralu Ilisimatusarfiup isumagissavai, Ilimmarfimmilu suliffeqarfiit allat allaffissornikkut suliassaat isumaqatigiissuteqareernikkut isumagisinnaallugit.

Kapitali 6

Maalaartarneq

§ 32. Ilisimatusarfiup aalajangiineri, ilinniartut inatsisitigut inissisimanerannut tunngassuteqartut Naalakkersuisunut suliassiissutigineqarsinnaapput. Aalajangiinerup naammagittaalliorumut nalunaarutigineqarneraniit naammagittaalliuutip tunniunnissaanut sapaatit akunneri sisamat piffissaliussaapput.

Imm. 2. Maalaaruteqarnerit kinguartitsinermik sunniuteqarsinnaangillat, taamaattoq tak. imm. 3.

Imm. 3. Naalakkersuisut maalaarsinnaanermut periarfissat, maalaarutit suliarineqartarnerat aamma maalaarutit aalajangersimasut kinguartitsinermik sunniuteqarsinnaanerat pillugit malittarisassiorsinnaapput.

Kapitali 7

Atuutilersitsinermut, atorunnaarsitsinermut ikaarsaariarnermilu aalajangersakkat

§ 33. Inatsisartut inatsisaat 1. august 2019-imi atuutilissaaq.

Imm. 2. Peqatigisaanik Iisimatusarfik pillugu Inatsisartut inatsisaat nr. 19, 19. november 2007-imeersoq atorunnaarsinneqassaaq.

Imm. 3. Najoqqutassat Iisimatusarfik pillugu Inatsisartut inatsisaat nr. 19, 19. november 2007-imeersoq malillugu aalajangersagaasut imaluunniit atuutsinneqartut, atuutiinnassapput atorunnaarsinneqarnissamik tungaanut, imaluunniit maleruagassanik Inatsisartut inatsisaat manna imaluunniit inatsisit allat tunngavigalugit aalajangersagaasunik taarserneqarnissamik tungaannut.

§ 34. § 12, imm. 3-mi, § 20, imm. 3-mi kiisalu § 23, imm. 2-mi ilinniakkatigut piginnaasanut piumasaqaatit, taamaallaat Inatsisartut inatsisaata atuutilereerneratigut atorfinnut taakkununnga atorfinititsinernut atuutissapput.

Imm. 2. 31. juli 2029 tikillugu rektorimik aamma prorektorimik nutaanik atorfinititsinerni, § 12, imm. 3-mi ilinniagaqarnermut piumasaqaatinit immikkut akuersissuteqartoqarsinnaavoq, piumasaqaatinik eqortitsillutik piginnaasalinnik qinnuteqartoqarsimangippat, imaluunniit taamaallaat ilinniakkatigut piginnaasanut piumasaqaatinik allanik tunngaveqarluni sanilliunneqarsinnaasunik piginnaasaqartunik qinnuteqartoqarsimappat.

Kalaallit Nunaanni Namminersorlutik Oqartussat, ulloq 12. juni 2019

Kim Kielsen

Namminersorlutik Oqartussat
Imaneq 4
3900 Nuuk
E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit
Namminersorlutik Oqartussat inatsisinut toqqorsiviat
Naalakkersuisut